

Канон пред иконой Пресвятой Богородицы «Знамение»

Память празднуем 27 ноября (10 декабря)

Тропарь, глас 4-й

Яко необоримую стѣну и истѣчник чудес стяжавше Тя рабѣ Твоѣ, Богородице Пречистая, сопротивных ополченія низлагаем. Темже молим Тя: мир граду Твоему даруй и душам нашим велию милость.

Канон

Глас 6-й

Песнь 1

Ирмос: Волною морскою Скрывшаго древле гонителя мучителя – под землю скривша спасенных отроцы; но мы, яко отроковицы, Господеву поим, славно бо прославися.

Пресвятая Богородице, спаси нас.

Да радуется радостию Божественною множество Новаграда днесь, зряще теплую Заступницу, странну победу дарующу на противныя, и да поет Божественными песньми.

Слава: Якоже лествицу превысоку, зрим днесь икону Твою, Дево Всенепорочная, юже сопротивнии зряще, конечней слепоте предашася, мы же, к ней верне взирающе, от бед избавляемся.

И ныне: В Рождестве тли не приемши, тления всех нас, Дево, измени, печали уставляючи матерним пременением, Богорадованная.

Песнь 3

Ирмос: Тобою, Христе, Небеса утверждаема вся, Слово Божие и сила, исповедают славу неизреченну и вседетельныя руки Твоя сотворения, несть бо пресвят, разве Тебе, Господи.

Пресвятая Богородице, спаси нас.

Яко звери, устремившися на стадо Твое, Пречистая, но Ты тех челюсти сокруши и сих немощны до конца покажи.

Слава: Общаго Пастыря, Владыку Христа рождши, Дево неискусобрачная, Тому молися настоящего гнева избавити нас и противных обстояния, Владычице.

И ныне: Милостивая, Милостиваго рождши Спаса, виждь озлобление и воздыхание людей Твоих, ускори, Пречистая, и ущедри ны.

Господи, помилуй (*трижды*). Слава, и ныне:

Седален, глас 8-й

Яже древле пророки проповедаша, Дверь Небесная, Неопалимая Купина, Свещник Многосветлый, Златая Кадильница, Ручка и Жезл преславно днесь чудному святителю является, народом дерзати повелевает и дивную победу показывает. Темже благодарная Той возопиим: Дево Богородительнице, моли Христа Бога грехов оставление даровати нам; Тебе бо имамы надежду, раби Твои.

Песнь 4

Ирмос: Удивися Твой разум от мене, услышавшу преславная веления смотрения Твоего, укрепися же возлюблением Твоего схождения, Ты бо моя нищета не отверглася еси.

Пресвятая Богородице, спаси нас.

Почитающий Тя град, Пречистая, и по долгу славящий, ограждай от безбожных, Чистая, иноплеменик, Ты бо тому, Пречистая, богатство неотъемлемо еси, покров же и слава.

Слава: Мнящийся, якоже древле Иерихон, разорити град Твой, Пречистая Мати Слова, сами конечней погибели предашася силою из Тебе Воплощенного, Владычице.

И ныне: Призри, Чистая, спаси поющая Тя, потребитися хотяща от сопротивных, темже нашего прещения избави, Богородительнице.

Песнь 5

Ирмос: Союзом любви связуеми, апостоли, владычествующему всеми себе Христу возложше, красны ноги очищаху, благовествующе всем мир.

Пресвятая Богородице, спаси нас.

Теплая заступница к Тебе прибегающим и ненадеющимся надежда, виждь озлобление людей Твоих и подаждь помощь, Пречистая.

Слава: Иже огонь рождающая Божественный, Дево, противных, Пречистая, молитвою Твоею огнем попали, яко Мати сущи Зиждителя, Всепетая.

И ныне: Чистая Богоневесто, недоуменныя люди ущедри матерними Твоими мольбами и яже на ны противных обстояния разори вскоре молитвами Твоими.

Песнь 6

Ирмос: Ят бысть, но не удержан в персех китовых Иона: Твой бо образ нося, Страдавшаго и погребению давшагося, яко от чертога, от зверя изыде. Приглашаше же кустодии: хранящии суетная и ложная, милость сию оставили есте.

Пресвятая Богородице, спаси нас.

Избави ратных нашествия рабы Твоя, Пречистая, и не предаждь до конца погибнути наследию Твоему, Всепетая, но силою из Тебе Рожденнаго противныя низложит.

Слава: Многосогреших Тебе не презри, но приими мольбу Матере Твоея о нас, Щедре, да не похвалятся сопротивнии, – где есть Бог их? – глаголюще, но да разумют вси, яко Ты, Избавитель, с нами еси.

И ныне: Ныне помощи прииде время, ныне пременения потреба, Чистая. Молися Сыну Твоему и Богу, яко да ущедрит согрешившия и належашаго гнева избавит.

Господи, помилуй (*трижды*). Слава, и ныне:

Кондак, глас 4-й

Честнаго образа Твоего знамение празднующе людие Твои,

Богородительнице, имже дивную победу на сопротивных граду Твоему даровала еси. Темже Тебе верою взываем: радуйся, Дево, христиан похвало.

Икос

Разреши тьму моих согрешений, во уме моем лежащую, и Твоим мя светом просвети, Дево, яко да возмогу Тебе похвалу принести, Юже Отец восхвали, и Дух Святой осени, Сын же и Слово Божие, вселився и нетленно от пречистою Твоею боку прошед, с человеки поживе. Темже мы, грешнии и недостойнии раби Твои, днесь совершающе священное торжество знамения, бывшего честною иконою Твоею, еюже преславную победу на противных граду Твоему даровала еси, и, от всех чудес исполнившеся, вместо благовонных аромат, елико возможно нам, земным, похвальная Тебе приносим, глаголюще: радуйся, Богородице, радости Ангелов и человеков; радуйся, твердая надежда и покрове граду Твоему; радуйся, яко противных силою Твоею низлагаем; радуйся, умнаго Солнца Мати, верных просвещающего, неверных же помрачающего; радуйся, Дево, христиан похвало.

Песнь 7

Ирмос: Неизреченное чудо: в пещи Избавивый преподобных отроки из пламене во Гробе мертв, бездыханен полагается во спасение нас, поющих: Избавителю Боже, благословен еси.

Пресвятая Богородице, спаси нас.

Воистинну сокровище честно граду Твоему, икона Твоя, Пречистая, дароваяся, юже и сами зряще, чудеси удивляемся и Сыну Твоему вопием: Избавителю Боже, благословен еси.

Слава: Якоже иногда ниневитяны покаяния ради пощадил еси, Слово Божий, проповедию Ионы пророка, такожде и zde показал еси образом Пречистыя Твоея Матере, Христе, вопиющим: Избавителю Боже, благословен еси.

И ныне: Храм Тя Божий, Владычице, ведуще, во святем храме Твоем руки наша возносим на молитву: виждь озлобление наше и подаждь нам помощь.

Песнь 8

Ирмос: Ужасніся, боййся, Небо, и да подвижатся основанія земли: се бо в мертвецех вменяется в Вышних Живый и во Гроб мал странноприимается. Егоже, отроцы, благословите, священницы, воспойте, людие, превозносите во вся веки.

Пресвятая Богородице, спаси нас.

Собезначальное Слово отчее, Дево Пречистая, нетленно родила еси и от сосцү питала еси. Того моли, Богородительнице, от обстояния вражия спасти поющия Тя и превозносящия во веки.

Слава: Егоже провиде на Престоле превзятем Исаия, Сего в ложеснах, Дево, вместила еси и нетленно родила еси. Егоже моли спастися рабом Твоим, поющим: дети, благословите, священнии, пойте и превозносите Его во веки.

И ныне: Единая сущи благая, преблагое Слово моли прилежно настоящего гнева рабом Твоим избавитися, несомненною верою Сыну Твоему поющим: дети, благословите, священнии, пойте и превозносите Его во веки.

Песнь 9

Ирмос: Странствия Владычня и Безсмертныя Трапезы на Горнем месте высокими умы, вернии, приидите, насладимся, возшедша Слова, от Слова научившися, Егоже величаем.

Пресвятая Богородице, спаси нас.

Милосердым оком свыше призри на град и люди Твоя, Пречистая, инья бо помощи не имамы, токмо Тебе, Всенепорочная, да Тя вси, Матерь Божию, непрестанно величаем.

Слава: Единая, рождающая Слово воплощенное, Дево Всепетая, приснотекущий источник исцелений изливаеши верою притекающим храму Твоему, Пречистая.

И ныне: Се, раби Твои, вопиём Ти, Мати Божия: обычныя милости Твоя на град и люди Твоя милостивно показующи, противных обстояний нас измени, да Тя вси непрестанно величаем.